



Inatsisartunut ilaasortaq Jens Napätök', Naleraq
inatsisartut@inatsisartut.gl

Qeqertarsuup Tunuani qulimiguulimmik angallannermi kinguaattoornerit naammaginngitsumillu ingerlatsineq pillugit § 37 naapertorlugu apeqquteqaammut 2026-046-mut akissut

Ulloq: 31-03-2026
Suliap nr.: 2026 - 5193
ID. nr.: 80602276

Asasara Jens Napätök'

Inatsisartut suleriaasianni § 37 naapertorlugu Qeqertarsuup Tunuani qulimiguulimmik angallannermi kinguaattoornerit naammaginngitsumillu ingerlatsineq pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Naalakkersuisunut apeqqutit

Naalakkersuisut qinnuigineqarput Diskobugtenimi, Avannaani kiisalu Qeqertarsuup Tunua tamakkerlugu qulimiguulinnik angallassinerup nutaanik qulimiguulinnik atuutilersitsinerup kingorna ingerlaavartumik kinguaattoornerit, taamaatiinnarnerit aammalu teknikikkut ajornartorsiutit pillugit paasissutissanik ersarissunik kiisalu pissutaasut pillugit nassuiaateqaqqullugit, matumani ilanngullugit:

Apeqqut 1. Nutaanik qulimiguulinnik atuutilersitsinerup kingorna ukiumut teknikikkut kukkunerit aserfallatsaaliuinerillu qanoq amerlatigisimappat?

Akissut: Apeqqutit Air Greenland-imut saqqummiunneqarpoq, taassumalu akissutaa matuma kinguliani issuarneqarpoq:

" Qeqertarsuup Tunua Kalaallit Nunaata avannaani nunap immikkoortuani ilaavoq, tassa imaappoq, Kalaallit Nunaata avannaanut ataatsimoortumik naatsorsoreqqissaarnermi Qeqertarsuup Tunuanut kisitsisini allassimasuni ilaavoq.

Piffissamik eqquisarneq timmisartuussinerut piviusunngortinneqartut, aallarnissaq sioqqullugu nalunaquttap akunnerini 24-ni pilersaarutigineqartut, naatsorsugaavoq.

2025-mi kiffartuunneqarnissamut isumaqatigiissutini qulimiguulimmik angallannermut piffissamik eqquisarnermut kisitsitit:

- *Kiffartuunneqarnissamut isumaqatigiissutit katillugit: 48,30 %.*
- *Taakkunanga Kalaallit Nunaata avannaanut kiffartuunneqarnissamut isumaqatigiissut: 46,17 %*
- *Taakkunanga Qeqertarsuup Tunuanut kiffartuunneqarnissamut isumaqatigiissut: 47,47 %*

Timmisartuussinernit piviusunnngortinneqartunit agguaqatigiissillugu inissat atorneqarneri (issiavissat tuniniarneqartut tamarmiusut amerlassusaanni issiavissat tunineqartut amerlassusaat) makkuusimapput:

- *Kalaallit Nunaata avannaanut kiffartuunneqarnissamut isumaqatigiissut: 54 %*
- *Taakkunangga Qeqertarsuup Tunuanut kiffartuunneqarnissamut isumaqatigiissut: 54 %*

Pissutaasut aallarnerni 2025-mi pilersaarutigineqartuni aallarnert nalunaaquttap akunneri 24-it inorlugit sioqqutsilluni taamaatinneqartut amerlassusai katillugit procentinngorlugu allanneqarput:

- *Kalaallit Nunaata avannaanut kiffartuunneqarnissamut isumaqatigiissut:*
 - o *Silamut attuumassutillit: 36,4 %*
 - o *Inniminniisoqanngimmat (patajaallisaaneq): 21,8 %*
 - o *Teknikkinik pissuteqartut: 13,1 %*
 - o *Napparsimasunik aallarussinerit: 11,2 %*
 - o *Suliaqarnermik pissuteqartut: 4 %*
 - o *Inuttassaaleqineq: 3 %*
 - o *Timmisartoqarfimmuut attuumassutillit: 2,3 %*
 - o *Qaammanera minnerpaaffissamit taarnerusoq: 2 %*
- *Taakkunangga Qeqertarsuup Tunuanut kiffartuunneqarnissamut isumaqatigiissut:*
 - o *Silamut attuumassutillit: 32 %*
 - o *Napparsimasunik aallarussinerit: 23,9 %*
 - o *Inniminniisoqanngimmat (patajaallisaaneq): 12,7 %*
 - o *Teknikkinik pissuteqartut: 11,1 %*
 - o *Timmisartoqarfimmuut attuumassutillit: 4,9 %*
 - o *Suliaqarnermik pissuteqartut: 2,8 %*
 - o *Qaammanera minnerpaaffissamit taarnerusoq: 1,5 %*

a. Taakku qanoq amerlatigisut ilaasunut kinguaattoornernik imaluunniit taamaatiinnarnernik kinguneqarsimappat?

Akissut: Apeqqutiit Air Greenland-imut saqqummiunneqarpoq, taassumalu akissutaa matuma kinguliani issuarneqarpoq:

"2025-mi teknikkimik pissuteqartut aserfallatsaaliuinerullu malitsigisaannik taamaatitsinerit amerlassusaat:

- *Kalaallit Nunaata avannaanut kiffartuunneqarnissamut isumaqatigiissut: 788 aflyste flyvninger. timmisartuussinissaq 6854-it pilersaarutigineqartut kiisalu immikkut timmisartuussinerit pisussanngortinneqartut 922-t.*

Taakkunangga Qeqertarsuup Tunuanut kiffartuunneqarnissamut isumaqatigiissut: timmisartuussinerit taamaatinneqartut 188-it. Timmisartuussinerit pilersaarutigineqartut 1783-it kiisalu immikkut timmisartuussinerit pisussanngortinneqartut 235-t."

Apeqquut 2 Ukiumut qanoq amerlatigisunik Air Greenland ingerlatsinermik ingerlaannartitsiniarluni taartaasartunik qulimiguulinnik (AS350, H155 imaluunniit allat) atuisariaqartarsimava?

Akissut: Apeqquutit Air Greenland-imut saqqummiunneqarpoq, taassumalu akissutaa matuma kinguliani issuarneqarpoq:

"Qeqertarsuup Tunuani H155-maskiinamut 1. november - 8. marts 2026 Ilulissani aallaaveqartumut tapertassatut qulimiguulik AS350 ataaseq inissinneqarpoq.

Taanna 30. januar 2026 - 15. februar 2026 immikkut AS350-mik ataatsimik tapertaqartinneqarpoq.

Piffissami 2. februar - 14. marts 2026 qulimiguulik H155 Uummannameersoq Qeqertarsuup Tunuata Uummannallu akornanni avitseqatigiissutigineqarpoq.

Katillugu piffissami ataqatigiissuni pingasuni inissanik tapertaasussanik inissiisoqarpoq. "

a. Ilaasut angerlartinniarlugit immikkut aaqqissuussanik timmisartuussinerit/qulimiguulimmik angallassinert qanoq amerlatigisimappat?

Akissut: Apeqquutit Air Greenland-imut saqqummiunneqarpoq, taassumalu akissutaa matuma kinguliani issuarneqarpoq:

"Upernavimmut, Uummannamut, Qeqertarsuup Tunuanut kiffartuunneqarnissamut isumaqatigiissummi 2026-mi sapaatit akunnerannit 1-imiit sapaatit akunnerannut 10-mut aallarnissat katillugit 854-it pilersaarutigineqarput. Piffissami tassani aallarnerit 847-it ingerlanneqarput. Pilersaarutigineqartuniit taakkua 7-inik ikinnerupput – sumiiffiit pingasut taakkua akimorlugit 99.2 %-inik pilersuinerimut naapertuulluni. Taakkkunanga aallarnerit 465-it timmisartuussinertut nutaatut ingerlanneqarput, taamaattoq tamanna isumaqarani ilaasut aqqutissaaruttut angerlaanniarlugit aaqqissuunneqarsimasut."

Apeqquut 3 2025–2026-mi qulimiguulinnik angallassinermi ingerlatsinerup patajaassusaa aammalu piffissamik eqqortumik ingerlatsinerit (procentinngorlugu – piffissami eqqortumi ingerlanneqartut vs. kinguaattoortut/taamaatiinnakkat) qanoq issimappat? (kvartalikkaartumik paasissutissat ilanngullugit)

Akissut: takuuk apeqquummut 1-imut akissut.

a. Qulimiguulinnik ingerlatsinerup patajaassusaa pillugu naatsorsuutigineqarsimasut naapertorlugit Naalakkersuisut aammalu Air Greenland qanoq ersarissunik pitsanngoriaateqarsimappat?

Akissut: Apeqqutit Air Greenland-imut saqqummiunneqarpoq, taassumalu akissutaa matuma kinguliani issuarneqarpoq:

”Maannakkut kiffartuunneqarnissamut isumaqatigiissummut anguniagaq annertunerpaaq tassaasimavoq qulimiguullit B212-it pisoqalisut, agguaqatigiissillugu ukiunik 45-nik pisoqaassuseqartut, taarsersorneqarnissaat. B212-it maskiinaapput aalajaatsut ingerlatsinermilu isumannaatsut, kisianni taakkunani teknologii pissutigalugu ingerlaavartumik amerliartuinnartunik killilersuiffiqineqarlutik, peqatigisaanillu kingoraartissat pissarsiariniartarnerat ajornakusoornerulersimalluni. B212-ip taarserneqarneranut anigorniagassaq aningaasaqarnerinnarmut tunngassuteqarpoq. Ilaatigut B212-it maskiinaapput nalikillilernerqareersut ilaatigullu qulimiguullit nutaaliaasut pisiarinissaat suliaqartinnissaallu maskiinanit pisoqaanerusunit akisunerujussuullutik.

Taamaattumik H155-imut, B212-imiit nutaaliaanerujussuusumik taarsiinissaq iluatsimmat qujanarpoq. Taamaattoq taamanikkulli oqaatigineqareerpoq piffissamik eqquisarneq malunnaatilimmik pitsaanerulissasooq naatsorsuutigineqarsinnaanngitsooq. Maleruagassat VFR-imi qulimiguulimmik timmisartuussinermut atuuttut allannguuteqanngillat aammalu H155-ip taartumi killeqannginnerunera eqqaassanngikkaanni, qanoq ittoq atorlugu timmisartuussisoqarnerasooq apeqqutaatinnagu piffissamik eqquisarnermut sunniutaa taamaaginnarluni. Taamaattumik silap pissusaata allanngoriartornerata kingunerisaanik Kalaallit Nunaanni qulimiguulinnik VFR-imi suliaqarneq ajornakusooraluttuinnarpoq. Tassunga ilanngutissaaq kommer at der ved overgangen fra B212-imiit H155-imut ikaarsaarnermi, aamma tassani aningaasaqarneq pissutaalluni, maskiinat tamakkiisut ikilisinneqarmata. Kiffartuunneqarnissamut isumaqatigiissummi H155-inik 6-inik pisinissamut aningaasassanik atugassiisoqarpoq. Air Greenland nammineerluni patajaalaarnissaq qulakkeerniarlugu H155-imut ataatsimut saniatigut aningaasaliivoq, tassami pingaartumik Covid atuunnerani maskiinat 6-iinnaat atorlugit suliaqartoqarsinnaanngimmat.

Apeqqummut akissutissatut, B212-ip maskiinanamik ullutsinni piumasagaatinut inatsisinillu naammassinnittumik aammalu aningaasatigut sinaakkutissat annikitsuaraannaat iluanni taarserneqarnissaa anguneqarsimavoq. Tamatuma saniatigut H155 sukkanerusumik timmisarpoq useqarsinnaanerullunilu.”

Apeqqut 4 Naalakkersuisut naapertorlugit ajornartorsiutinut pissutaanerpaat suut tassaappat – assersuutigalugu teknikikkut killeqarfiit, silaannaap pissusaa Issittumi atugassarititaasut, sparepartsiniq pissarsiniarnermi kinguartitsinerit, sulisussaaleqineq, sila pissusaa il.il.?

Akissut: takuuk apeqqummut 3a-mut akissut.

a. Kinguaattoornerit aammalu taamaatiinnarnerit annikillisinniarlugit isumaqatigiisutit, suliariumannittussarsiuussinerit, teknikikkut tapersuinerit

imaluunniit isumaqatigiissutit allanngortinneqarsimanerat pillugu suut aalajangersimasut aallartinneqarsimappat?

Akissut: Apeqqut Air Greenland-imut saqqummiunneqarpoq, taassumalu akissutaa matuma kinguliani issuarneqarpoq:

"Kingoraartissanik pissarsisinnaaneq unittoormilu salliutinneqarnissaq qulakkeerniarlugit Airbus Helicopters peqatigalugu annertuumik Air Greenland sulisimavoq. Airbus-imut, Air Greenland-ip maskiinaannik salliutitsisumut, pitsaasorujussuarmik isumaqatigiissuteqarnissap qulakkeernissaa iluatsippoq.

Taamatuttaaq kiffartuunneqarnissamut isumaqatigiissutit iluanni pitsanngorsaannissamut periarfissanut allattuiffik suliarineqarpoq, ilanngullugu Kalaallit Nunaata Avannaanut, tassani aningaasaqarnikkut killissaliussat pioereersut iluanni pitsanngosaalluni suliniuteqarnerit aammalu killissaliussat pioereersut avataanni suliniutissat akornanni immikkoortitsisoqarluni aammalu tapiliussamik isumaqatigiissuteqarnissaq pisariaqartussaalluni.

Kalaallit Nunaata avannaani kiffartuunneqarnissamut isumaqatigiissutit atuuttup iluani ilulissani kaperlannerani EC5-maskiinami sillimmatissamik atorneqanngitsumik atulersitsisoqarpoq kiisalu ASA350 kaperlannerani tapertassatut inissinneqarluni."

Apeqqut 5 Ajornartorsiutit uku peqqinnissamut atatillugu angallassinernut, atuarnernut, inuussutissarsiornermut atatillugu angalanernut, ilaqutariinnut ataatsimoortitsiniarnermut aammalu yderdistrikini innuttaasut inatsisitigut pisinnaatitaaffiinut qanoq sunniuteqarsimanerat Naalakkersuisut qanoq nalilerpaat?

Akissut: Apeqqutit Air Greenland-imut saqqummiunneqarpoq, taassumalu akissutaa matuma kinguliani issuarneqarpoq:

"Nakorsiarunik timmisartuussinerit tamarmik nunarput tamakkerlugu 2025-imi ingerlanneqarput. Ilaasut sinneri atuartunut, inuussutissarsiortunut, ilaqutariinnut inatsisitigullu isumannaatsuutitsinissamut immikkoortiterneqartassanngillat."

a. Pineqartunut paasissutissiineq, taartaasarnikkut aaqqiissutit aammalu aningaasatigut taarsiissuteqartarneq pillugit Naalakkersuisut qanoq qulakkeerinnippat?

Akissut: Ilaasut pisinnaatitaaffiinut pingaarnertigut killissaliussat Naalakkersuisut kiffartuunneqarnissamut isumaqatigiissutitigut aalajangersartarpaat. Kisianni sumiiffimmi tapiiffigineqanngitsumik ingerlatsivigineqartumi angallassisartut, silaannakkut angallannermut inatsisini maleruagassat atuuttut aammalu nammineerlutik assartuussinermut piumasaqaatit naapertorlugit, kinguaattoornerni taamaatitsinernilu taarsiinissamut suliniutissanut atugassarititaasut aalajangersartarpaat.

Tapiiffigineqanngitsumik silaannakkut assartuussinermi angallaviit:
Tapiiffigineqanngitsumik angallavigineqartuni ilaasut pisinnaatitaaffii
angallassisartup assartuussinermut piumasaqaataannit kiisalu silaannakkut
angalanermut inatsisini maleruagassanit atuuttunit maleruagassiivigineqarput.
Nunani tamalaani timmisartuussinerni aalajangersimasuni tamatuma saniatigut
nunani tamalaani imaluunniit europami maleruagassanik atuuttoqarsinnaavoq,
angallavik angallassisorlu apeqquataallutik. Naalackersuisut atugassarititaasut
taakkua aalajangersartanngilaat, kksianni angallassisut maleruagassat atuuttut
namminnerlu assartuussinermut piumasaqaatitik malikkaat naatsorsuutigalugu.

Kiffartuunneqarnissamut isumaqatigiissuteqarluni angallaviit:
Kiffartuunneqarnissamut isumaqatigiissuteqarluni angallavinni angallassisup
pisussaaffii isumaqatigiissummi aalajangersagaapput. Kinguaattoornerni
taamaatitsinernilu isumaqatigiissummi aalajangersakkanut naapertuuttumik
angallassisooq ilaasunik iliuuseqarfiginninnissamut akisussaasuvoq.

Suliassaqarfinni marlunni tamani suliniutissat naleqquttut nalilersornissaat
aallartinnissaallu angallassisup akisussaaffigaa, ilanngullugit killissaliussat atuuttut
iluanni inniminnikkap allanngortinnissaa imaluunniit allatut assartuussinissamik
atugassiineq.

**Apeqquut 6 2026-imi aammalu 2030 tungaanut qulimiguulinnik angallassinerep
qanoq ineriartortinneqarnissaa Naalackersuisut qanoq nalilerpaat?**

Akissut: Takuuk akissut 6a.

**a. Piffissamik eqqortumik aammalu patajaatsumik ingerlatsineq anguneqassasoq
anguniarlugu anguniakkat killiliussallu suut aalajangersarneqarsimappat?**

Akissut: Naalackersuisut naliliipput ukiuni aggersuni qulimiguulimmik angallanneq,
mittarfiit ilusiligaanerisa ineriartortinneqarnera ingerlasooq ilutigalugu,
naleqqussaanernit sunnerneqartussaasoq.

Narsarsuarmi Mitterfiup annikillisinneqarnerani aammalu Qaqortumi Mitterfiup
ammannerani Kalaallit Nunaata kujataani angallannerup ilusaa allanngortussaavoq.
Timmisartumik sulusalimmik angallanneq Qaqortumi ataatsimoortinneqassaaq,
tamatuma kingorna qulimiguulimmik angallanneq inoqarfiit aamma Qaqortup
akornanni naapiffittut annertunerusumik naleqqussarneqartussaalluni. Tamatuma
kingunerisaanik qulimiguulimmik angallannermi Narsarsuaq naapiffittut
atorneqannginnerulertussaavoq, tamatumunngalu taarsiullugu Qaqortumiit
timmisartumik angallannermut atassusiinissaaq tunngavissittussaallugu. Angallaviit
attaveqaatit taamaalillutik pisinnaasanut aammalu ilaasut ingerlaarfiisa
allanngornerannut naleqqussarneqassapput.

Piffissamik equilluartarnerup ataasiakkaatigut pitsanngorsarnissaanut immikkut
politikkikkut kisitsisinik angusassanik imaluunniit killigitanik
aalajangersaasoqanngilaq, tassami Kalaallit Nunaanni piffissamik equiniartarneq
annertuumik silami pissutsinit aammalu suliaqarnermut tunngasunik allanik
sunnerneqartarmat.

Angallannermi sullissinerup siunissami aqqissuunneqarnerani sapinngisamik aalajaannerpaamik takorlooruminarnerpaamillu ingerlatsinissap tunngavissinneqarnissaa Naalakkersuisut ukkataraat. Tamatuma saniatigut angallassisartut oqaloqatiginerisigut kiisalu ingerlatsinermut paasisutissat nalunaarutigineqartut tunngavigalugit ineriartorneq Naalakkersuisut malinnaaffigaat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluaq B. Egede